

文淵閣

影印

四庫全書

影印

文淵閣四庫全書

第五八一冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

行水金鑑(二)

清 傅澤洪撰……………一

欽定四庫全書

史部
行水金鑑卷五十六至五十九

詳校官監察御史臣王爾烈

刑部郎中臣許兆椿覆勘

總校官知縣臣繆琪

校對官庶吉士臣潘庭筠

膳錄監生臣王錦

欽定四庫全書

行水金鑑卷五十六

江南按察使傅澤洪撰

河水

黃河源遠流疾其勢屈曲而多沙大汛一至輒高數
十尺是以有潰溢之患至於潰溢則其流散漫水緩
沙停下流或淤上流日益奔潰矣淮水不及黃河之
遠發自河南之桐柏山納七十二山溪之流又會洪

欽定四庫全書

行水金鑑
卷五十六

澤阜陵諸湖而出於清河縣之東每伏秋水漲其高
亦數十尺此黃與淮古並稱為二瀆也自宋熙寧間
黃河南徙會於淮於是淮黃合流入海者迄今六百
餘年前代治河之法雖隨時變通然其大要在固守
其隄防弗使暴漲之水得而乘之設有衝決則亟塞
其口弗使淤漫如是而已當治安之時人情懈弛修
守弗謹一遇暴雨水橫決隨之及其既決水分勢緩正
流漸堙人不之察以為故道不可復而欲謀其新故

往年高堰唐堦不修淮水東潰清口流溫黃水因而躡之清口遂淤人不以咎淮之東而謂清口不可疏也黃水倒入清口加以兩岸潰決以致海口泥沙壅塞人不以咎黃流之失其軌而謂海口不可通也且創為攔黃壩以障之河工之潰壞至斯而極惟我

皇上睿智如神指授方略盡毀攔黃壩大開清口連開張福口張家莊諸引河堅築唐堦六壩自是淮水悉出而會黃淮黃相合其力自猛流迅沙滌海口深通

欽定四庫全書

行水金鑑卷五十六

兩河皆循故道淮揚諸州邑數十年在波濤中者一旦復為耕稼之區下流既暢上流亦不至潰溢即宿桃徐邳以西至中州所屬凡濱河之民俱可無胥溺之慮矣後之防河者藉此成規時時修補弗致廢壞即千萬年長治之道也臣鵬翮愚蒙仰承

聖訓幸觀成功不勝欣慶謹將歷年修防事宜分段詳列於後俾天下咸知

皇上平成之偉績云

以下俱張文端治河書

河南黃河南岸自陝西潼關

府華陰縣東北四十里

南有潼谷潼水出此東北有黃卷坂在黃河南岸其坂隆起下望關城北有黃河自華陰縣流入與山西蒲州接界東入河南閿鄉縣界衛志城北一里水中有石高水丈餘河水漲其石不沒因謂之砥柱石西有潼河源出潼谷入河本朝康熙十九年潼水漲溢陵城而入城中兩岸居民溺死者二千三百餘人湮沒官民廬舍百餘間已而水縮河裂岸東徙故道竟成平陸東南有潼關故城古桃林塞即峭函也亦曰函谷秦函谷關在漢弘農縣即今靈寶縣西南十一里漢武帝徙新安即今新安縣東一里故關是也隋大業七年移於南北鎮城間唐天授二年移向北近河為路即今關也其地上躋高嶠俯視洪水流歷峭函而至潼津數百里間盤紆峻極實為天險河之北岸為風陵津又北至蒲關六十里河山之險迤邐

欽定四庫全書

行水金鑑卷五十六

相入閿鄉縣境經靈寶陝州渾池新安孟津鞏縣

云閿鄉縣在河南府陝州西南一百二十里西南有閿山西為黃河自陝西華陰界流入與山西芮城縣分界東入靈寶縣界西有玉澗水全鳩水郎水東有盤澗水西南有阿對泉楊震家僅名阿對引泉灌蔬因名西有周閿鄉縣故城本故湖縣鄉名東有湖城廢城本秦湖關西有潼關接華陰界人有曹公壘有舊城靈寶縣在陝州西少南六十里東南有峴山曹陽水出此亦名好陽澗入河西南有石堤山柏谷水出此入河又有石城山燭水出此入河北為黃河自閿鄉縣流入東入陝州界又有門水自洛南縣流入亦名弘農澗東有舊水南有弘農澗引水入城又有豐盛等五十渠歷代相繼修浚引山水灌田陝州在河南府西三百里東北有砥柱山在黃河中去州四十里禹貢導河自華陰東至於砥柱西北有黃

欽定四庫全書

行水金鑑
卷五十六

四

河自靈寶縣流入東入澠池縣界又有公主河在三門山左唐開元中鑿此通漕以避三門之險約百丈許復入於河西有七里澗自南山通河西南有蘆水東有清水自永寧流入北入於河又有利人渠二廣濟渠一皆引水入城以代井汲今於塞州城北黃河中有一鐵牛頭南尾北世傳禹鑄以鎮河患澠池縣在河南府西一百六十里東北有澠池山澗水出焉西南有馬頭山澠水出焉南流入新安界北有黃河自陝州流入與山西垣曲縣分界東入新安縣界河水自底柱而下至五戶澗其間一百二十里疎石桀出勢連襄陸合一十九澗水迅同三峽破害舟船自古所患按志稱黃河上自三門集津下迄釣魚背奔流迅激舟筏恒覆唯南村與垣曲接界稍平為古渡云東南有天池橫潦無源有平泉源出平地民資灌漑西有漢澠池縣故城新安縣在河南府西七十里東南有瞻諸山慈澗水出焉澠諸川水入穀南有

欽定四庫全書

行水金鑑
卷五十六

五

七十里今在南岸者止有二三里在北岸者盡決鞏縣在河南府東北一百二十里南有寒戰山山形高峻下臨玉仙河又有亂石山下有五泉北有黃山臨河東北有神尾山宋都水丞范子淵議引汴入汴處北有黃河自孟津縣流入與溫縣接界又東合洛水入汴水縣界禹貢河自孟津東過洛汭又有鮪渚在縣北河中西北有洛水自偃師縣流入東至汴水縣界始入河西北有鄆水接偃師縣界西南有羅水出登封縣界東北入洛又有明谿泉水源出青龍山滙亂石山五泉之水入洛西有湟水東門外有市河俱入洛東南有石子河即古洞水也一曰玉仙河發南溪石泉又北入洛以上七州縣俱屬河南府

汜水河陰至滎澤縣而始有堤工舊載云汜水縣在里東南有方山山海經浮戲之山汜水出焉即此也有馬跑泉漢家泉環翠峪山下有柏池泉有玉仙山

山上有玉仙元君祠祠前有二泉一為小龍池為小里河源一為黃龍池即汜水源既出而伏再見於神母祠下之柏池又長羅水亦出焉西有大任山亦名九曲山山之東盡於玉門山為汜水入河處北有廣武山其山沿河表六十里西盡於玉河與大任相對西南有翠屏山在城南河外東北有孤柏嶺一峰北出砥柱河流束祥符中議於南岸山址開汴口以均水勢又有分水嶺在五雲山峰之間嶺有泉南流為桃花河北流為竹葉河北為黃河自鞏縣流入洛水入焉又東入河陰縣界北有洛水舊自鞏縣入河今則過成臯東至滿家溝入河北有濟河自溫縣流入又南十里合於河山海經曰大河至成臯與濟水合按濟自大任入河與河水闕流畧不混淆清濁分行者數里乃溢為滎又有汜河有二源俱出方山合諸水至縣治為錦陽川又受柳泉水北出玉門合洛東入於河南有登固川又有竹川地獨膏腴東有湯王

溝又有金家溝在卧龍山北潯則穿城壞廬舍至今
患之東北有板渚南屬鵲山以臨汜水隋開通濟渠
自板渚引河歷滎澤入汴河陰縣在鄭州西北五
十里東北有廣武山西自汜水東迤滎澤外捍大河
內包原壤汴水從廣武濶中東南流今濶北有武濟
山即廣武支隴地屬孟津相傳為周武王濟河處宋
元豐中范子淵議導洛通汴屢請於武濟山麓修堤
置埽是也北為黃河自滎陽流入東入滎澤界有捺
免源河在廣武埽對岸分減埽下漲水也宋大觀中
詔沈純臣開宣和初又浚治焉西南有澹然河源出
漫泉一名窟河至滎澤縣達於河南有索河自滎陽
流入與京水合又東入滎澤縣界西有石門渠滎濟
受河之處即禹貢導滎水之道亦曰滎口亦兼邙之
稱晉楚之戰楚軍於邙即此水也後漢靈帝時於教
城西北壘石為門以遏後儀渠口水門廣十餘丈西
去河三里水盛則通於河水耗則輟流魏黃初中河

欽定四庫全書

行水金鑑
卷五十六

濟泛溢鄧艾議開石門以通之晉武帝時復壞傅祗
為滎陽太守造沈滎堰於是充豫無水患東北有清
水即濟水舊流也今堙東有河陰舊城滎澤縣在
鄭州北少西四十里西北有敖山殷仲丁自亳徙置
即此明成化十五年知縣曹銘以水患徙築今縣北
為黃河自河陰縣流入又東入原武縣界志曰滎澤
地稍下水所鍾也新志黃河舊在縣北十里近漸南
徙逼近縣城弘治時撫臣徐恪言決河湍悍之勢未
可遽回今自孫家渡口舊河東經朱仙鎮下至項城
南頓猶有涓涓之流若疏之由泗入淮可殺上流之
勢時多從其策東北有浪蕩渠西通河洛南達江淮
隋通濟渠也煬帝開此以巡幸江都今堙南有賈魯
河亦堙西南有澹然河自河陰流入達於大河治南
有滎澤河禹貢濟水入於河溢為滎又曰滎波既豬
其衛及狄人戰於滎澤則在河北非此澤也左傳楚
潘黨逐晉魏錡及滎澤亦此北有隋滎澤故城為河

水所圯西南有漢滎陽故城
以上三縣俱屬開封府
自此而鄭州原武武陽武

中牟祥符陳留蘭陽儀封

嘗叢云鄭州在開封府西
少南一百四十里北為黃

河東有鄭水出梅山東北入賈魯河明天啓中知州
劉光祚疏之起州北至州東接中牟境可通舟楫其
州西北白沙而上河身特高常有水患光祚又濬之
令民穿渠蓄洩溉田數千頃商賈通流民以為便西
有須水明正德時鑿之以紓河患今淤東南有七里
河其源有三一出泰山一出梅山一出站馬屯會流
於此入賈魯河東有潮河出樂巴廟前每日三潮因
名下合賈魯河東有龍池河是李衛公廟後湖周
里許居民依水種蓮東南有僕射陂源出雷家潭周
十八里後魏孝文帝賜僕射李冲故名今名城湖東
有圃田澤與中牟接界原武縣在開封府西北一
百二十里南有黃河本在縣北自滎澤縣流入東入

欽定四庫全書

行水金鑑
卷五十六

陽武縣界明正統十三年河決滎澤始改而南弘治
初河又決分為三衝張秋十四年知縣張愷築蘆城
堤十四里城中乃無水患嘉隆以來河屢決屢塞議
之者止移堤以避水衝致正南逼近十五里許如縣
治生靈何宜俟秋冬水退漸移堤埽向南始為完策
南有古濟水與古陰溝水今皆混入黃河西北有沁
河自武陽縣東入黃河南有賈魯河遇秋水泛漲與
沁河皆為民田患陽武縣在開封府西北九十里
東有脾沙岡西有黑洋山河決後皆淪於河南為黃
河自原武縣流入東入封邱縣界舊流本在城北決
溢不時遂徙而南自五代周至明末河決不可勝計
西北有濟水今自溫縣東入大河不至縣境東南有
白溝亦名清水亦名白河流至封邱境內曰翟溝西
有沁水自武陽縣流入後築堰截入黃河其故渠皆
為桑田本朝順治十一年築募家樓新堤長五
百七十二丈幫堤長六百零二丈又潭口寺北月堤

欽定四庫全書

行水金鑑
卷五十六

長六百三十丈幫堤長五百丈 中年縣在開封府西七十里北有牟山南有馬陵岡長五十餘里即故河隄北為黃河自原武縣流入東北入祥符縣界北有汴水亦自原武流入東入祥符即黃河渠也亦名鴻溝亦名官渡水明正統七年崇澤縣知縣李全芳以淪沒民田奏請開塞改流入黃河遂淤為平地南有汜水東流入官渡水今濶東南有刁馬河今埋西有鄭水源出鄭州至東年溉田千餘頃下入於汴北有金水河自鄭州流入東入祥符界下流與黃河相通縣境諸水所歸每淤塞則灌沒民田萬歷中屢加疏導又有雙洎小清河即鄭風所詠清人在彭者源出新鄭縣至縣西東北流入丈八溝北有灘頭河係黃河支流自滎澤流入東南入尉氏縣界西有圃田澤東西五十里南北二十六里西限長城東極官渡高者可耕窪者成潭滙為澤者八為圃者二十四中年志載九溝八澤三十六陂按明范守已據穆天子

傳以為自汴川北抵中年西東連尉氏西接新鄭周圍三百餘里總謂之圃田縣城內有海子河上有海子橋橋南北各有河俱出水門注城濠入小清河東有唐中年舊城 祥符縣即開封府治西北有駝牟岡河決後今為平陸東北有赤岡西有狼城岡明萬歷末河決於此東北有槐疍岡明萬歷中河決於此斷堤成潭西北有黑岡明崇禎中河決於此北為黃河自中年縣流入東入陳留縣界南有汴河自中年縣流入又東入陳留縣界即黃河渠分流也水經汴水出陰溝後儀縣北鄭注陰溝即黃河渠也自王黃灌大梁水出縣南而不經其北汴水又東經倉垣城內又東至陳留隋大業初開通濟渠元和志云浚儀有琵琶溝水西自中年縣流入通濟渠隋自大梁城西而鑿渠引汴水即篋官渠也元至元二十七年汴始淤塞明初欲以大梁為北京議浚汴不果今一望平陸無復堤渠故跡矣宋都汴時汴蔡諸水漕舟

欽定四庫全書

行水金鑑
卷五十六

城中溝洫互通自明季灌沒後深溝淤為高阜大壑變為平原土中往往得其遺跡北有浚水西有寒泉陂見衛凱風詩東南有蔡河自中年縣流入東南入通許縣界水經注黃河渠自中年縣東流至浚儀縣分為二水南流曰汴水東流曰汴水沙即蔡河也元至元二十七年河決祥符義唐灣蔡水上流煙沒明洪武八年大河南決扶穎入淮蔡河之下流亦漸絕北有五丈河九域志曰即禹貢之荷澤從城北歷陳留曹濟及鄆其廣五丈周顯德五年疏汴水北入五丈河東經定陶北入於濟以通齊魯舟楫皆通宋時河塞又引京索二水入之金元以後混入黃河西有金水河其上源即滎陽縣之京水滙入五丈河者今堙城東有白溝河河無山源以潁河為源潁城西有金明池周九里餘引蔡水注之名教船池又曰講武池今淤西北有沙海隋文帝疏舊渠引汴水注之以習舟師今塞南有蓬澤西南有露澤陂並堙西北有漢

浚儀廢城本魏大梁城也東北有隋堤一名汴堤西通濟水南達淮泗今遺跡僅存西北有翟家渡自劉獸醫以下皆河津要害唯翟家口為官渡 陳留縣在開封府東少南五十里北有黃河自祥符縣流入東入蘭陽縣界北有汴河自祥符縣流入南入通許即沙河也今縣北有蔡河自祥符縣流入南入通許即沙河也今汴北有睢水沙水分流東入杞縣界開通濟渠後此水廢西北有魯溝水亦沙水分流今泗水東入蘭陽界一名沁水黃河支流自封邱縣流入又東入蘭陽界今泗水北有泰陳留故城東北有魏小黃故城 蘭陽縣在開封府東少北九十里北有黃河自陳留縣流入又東入儀封縣界北有賈魯河又有馬蹄河一名清河皆故河所經也南有巴河自陳留縣流入東入儀封縣界亦名沁河北有古濟水今入於河西北有趙皮寨一名張祿口又有銅瓦廂集明設管河主簿今廢北有舊長堤長四十五里 儀封縣在開封

府東少北一百十里東北有黃陵岡與山東曹縣接
界北有青陵岡又北有黃河自蘭陽縣流入東經考
城入曹縣界縣有七河曰北舊黃河在東北五十里
曰南舊黃河在西南三里曰曹魯河在黃陵岡南二
里曰龐家河在北八里曰圓頭河在北五里曰巴河
曰新河在黃河南新挑以分殺水勢者皆黃河轉徙
所經忽南忽北穿縣境殆遍今唯有賈魯河巴河故
道煙園頭龐家二河堤如故北有黃渡河周六十餘
里蓋大河所溢也今涸為田又有古濟水蓋南濟也
有漢濟陽故城東北有小宋狀元堤北有方家莊小
堤河南岸有舊縷堤北岸有舊遠堤黃陵岡考城商
相近有三家莊堤以上州縣俱屬開封府

欽定四庫全書

行水金鑑
卷五十六

為民害南有汴河自杞縣流入東入商邱界北有黃
水自杞縣流入北流入定陶界西南有大蔣陂黃水
注焉即戴陂也北有黃城堤近為小堤遠為大堤今
小堤頽圯過半西南有長堤起儀封屆商邱上下七
十里然去河甚遠漲溢時此堤阻塞轉為民害商
邱縣即歸德府治西南有商邱北有黃河自考城縣
流入又北入虞城縣界自元至大有後河決而南歸德
常在河北至順以後河決而北歸德仍在河南迄明
正統以後河又決而南歸德又在河北正德以後則
仍在河南其新集口丁家道口皆河濱衝要嘉靖三
十七年新集河淤河流於是一變按大河舊道乃元
賈魯所復勢若建瓴上下順利後因河南水患頗急
另開一道出小河口意欲分殺水勢而河不兩行大
河日漸淺澀自新集至小浮橋淤凡二百五十餘里
析為六股俱由運河至徐家洪又析為五小股亦由

小浮橋合徐家洪大河分十一流而勢弱矣勢弱則
淤益多淤多則決溢愈甚詳見徐州碭山等州縣西
南有馬腸河源出舊黃河逾臺達淮北有泡水自考
城縣流入東入虞城縣界宋時東南之漕由汴達畿經
為詳南遷後日就堙廢明嘉靖中雖修復後又淤加
以河流衝決陵谷倒置汴水斷續幾不可問矣南有
古睢水自寧陵縣流入東入夏邑縣界今湮其曰穀
水者即睢水也南有斬水又有渙水一名濊水今皆
湮東北有孟諸澤接虞城縣界禹貢導荷澤被孟諸
東北有蒙澤北有漆溝東有新溝明萬曆時開以洩
水東有清冷池東南有武津關西北有鳳池口其地
與城中龍興塔平元人圍歸德決此口河水從西北
而下至城西入故睢水遶城反以水為固北有丁
家道口接虞城縣界當黃河津要東有白沙渠石梁
渠宋張元知應天府治此二渠民無水患舊城外三

欽定四庫全書

行水金鑑
卷五十六

里有隋堤今廢虞城縣在歸德府東北七十里北
有黃河自商邱流入東入江南徐州碭山縣界又有
巴河黃河支流也又有小股河繞城入黃河按虞城
上接考城下接碭山鄰比數縣土皆卑下每經河溢
互相傾注河決考碭則土聚虞城河潰虞城則土聚
考碭故舊道盡湮歷年水患無已欲浚支河則易淤
塞欲築隄防則無山陵可倚若於李景高口西岸浚
水南行則縣境之流自殺又自楊厚口起築堤分水
使下流有歸然後河不為患北有汴河自商邱流入
東入碭山縣界亦名獲水北有豐水自商邱流入東
入山東單縣界西有孟諸澤與商邱接界今俗呼為
涇臺蓋澤中有臺也西有丁家道口北有羅家口皆
有韓家後堤以上三縣俱屬歸德府

州之碭山縣界北岸自山西垣曲縣
在山西平陽府

至江南徐

欽定四庫全書

行水金鑑 卷五十六

十三

絳州東南二百十里東北有王屋山接河南濟源縣
 及陽城縣界西北有黃河自平陸縣流入東入河南
 濟源縣入濟源縣境經孟縣溫縣武陟舊云濟源縣在河南懷慶府
 西七十里東北有太行山南有黃河自垣曲縣流入
 與洛陽分界又東入孟縣界北有濟清東南流入孟
 縣禹貢導沔水東流為濟西南有潁水東經孟縣入
 河新志潁水一出姑嫂山一出五指山一出秦嶺山
 至三河口合流與沁水合東南入孟縣界入河北有
 沁水源出莽山入潁西南有漫流水塗溝水入潁東
 南有天漿水同水俱入孟縣界西南有湛水注河內
 有潞水入沁北有沁水自陽城縣流入東入河內界
 東有千倉渠濟水分流也有上下二堰東北有馬頭
 溪西北有望仙溪西有東陽澗西陽澗西有七谷溝
 東有玉泉 孟縣在懷慶府南少西五十五里南有
 黃河自濟源縣流入與孟津縣接界河廣二里又東

入溫縣界南有孟津一名富平津一名陶渚西南有
 治坂津北有沁水即濟水自濟源縣流入入河北有
 潁水自濟源縣流入南合沁水入河內有治河即濟
 源之天漿溪也北有餘濟河沁水分流也縣人引以
 溉田南有萬般潭在黃河側舟所泊也西有河陽廢
 縣南有下孟州故城即古北中城也金大定中州治
 以河患因於故城北十五里築新城徙治焉曰上孟
 州故城曰下孟州東魏又築南城在今孟津縣界及
 中渾城在今縣西南是為三城 溫縣在懷慶府東
 南五十里南有黃河自孟縣流入與鞏縣接境又東
 入武陟縣界舊離城二十里今逼近城隈西有濟水
 自孟縣流入南入河當王莽時川瀆枯竭其後津梁
 勢改不與昔同今則故道盡陷河中北有廣濟河沁
 水分流也自河內縣流入東南入河又有溫潤渠亦
 沁水分流隋刺史盧賁於河內引沁為利人河又派
 流入溫縣故名溫潤新府志有豐稔河分廣濟河水

欽定四庫全書

行水金鑑 卷五十六

十三

南流入溫即此北有潞水通豐稔河東有平泉陂多
 菱荇蒲葦陝南即黃河西南有李陂今堙西有小金
 隄障潁潁二水明初築名流河堤成化間增築長二
 十里 武陟縣在懷慶府東一百里南有清風嶺瀨
 河黃河自溫縣流入與河陰縣接界東入原武縣界
 東有沁水自河內縣流入至南賈村入河其支流入
 縣北東引灌田二千餘頃入修武縣界西南有廣濟
 河沁水分流也今涸西北有小丹河即丹水分流之
 長明溝也今淤乾溝猶存又有上清河即丹水分流
 之蔡溝也自河內縣流入東入修武之三橋陂入衛
 東北有蓮花池在沁河東岸地名木樂店去衛河百
 里明萬歷中沁河從此決入衛 以上四縣俱屬懷
 慶亦至榮澤縣而始有隄工自此而原武陽武封邱
 舊葦云封邱縣在開封府北六十里北有黑山東北
 有淳于岡與黑山皆湮於水南有黃河本在縣西北

金明昌五年河決陽武灌封邱而東縣遂居河北自
 陽武縣流入東經陳留入蘭陽縣界終明之世凡五
 決荆隆口一決陳橋集屢決屢塞 本朝順治七年
 九年兩決至十二年始塞按黃河自陽武入封邱出
 荆隆口直東即長垣東明兩縣境從此經曹濮直趨
 大清河東入於海較之出徐沛合淮泗以入海其道
 最為徑易從來河行之道宜直不宜紆入海之口宜
 近不宜遠也西北有沁河一名巴河自武陟陽武流
 入經于家店北繞縣南穿桃陂河東注每泛濫則能
 為害自懷慶增堤遏之水始全落南有翟溝自陽武
 境入即白溝也南接黃河支流今湮北有濮渠首受
 沛東北流至縣再入開州界河決後亦湮西南有黃
 池東西廣三里南有金龍口即荆隆口自砥柱孟津
 而下最為險隘今離河稍遠然地勢窪下夏秋水發
 一堤之外皆為巨浸塌陷最多此隱憂也西南有中
 樂城元時運道中梗受江淮之米陸運赴淇仍以舟

載送京師後改海運而中樂廢其西為大王廟口順治九年河決於此決口有積水潭汪洋數十頃深十餘丈有河道標兵防禦今縣治本封邱故城金時以河淹沒遷治新城元初新城又為河壞仍遷於此縣城外有護城堤河決沙壅僅存顛脊南有長堤高可三大起荆隆口迤邐東南直抵徐州西南有小長堤在長堤南東起祥符陳橋西迄荆隆三十里高厚倍於故堤西有董家堤障禦黑洋山水萬歷三十年決口數十丈至今未塞每遇霖雨城西北皆為巨浸

祥符陳留蘭陽儀封以至山東曹縣界凡係開封府者南岸屬南河同知管轄北岸屬北河同知管轄係歸德府者南岸屬歸德府管河通判管轄北岸係山

欽定四庫全書

行水金鑑卷五十六

十四

東曹單二縣界屬兗州府黃河同知管轄又沁河一道屬懷慶府管河通判管轄

洛河源出陝西雒南縣冢嶺山流入河南境至盧氏

縣熊耳山始大歷永寧宜陽洛陽偃師鞏五縣於鞏

北十里循邛山尾南入黃河舊唐書地理志洛水出弘農上洛縣冢

嶺山東北至鞏縣入河山海經謹舉之山洛水出焉一統志洛南縣屬西安府本漢上洛周禮注漢以火

德王忌水改為雒魏復改為洛上洛縣即今商州治

澗河源出澠池縣東北白石山由新安至洛陽縣西

七里橋東流轉東入洛河舊唐書地理志弘農新安縣下云禹貢澗水在東南

入洛澠池縣下云穀水出穀陽谷東北至穀城入洛水經注澗水出新安縣南白石山山海經白石之山

惠水出於其陽東南注於洛澗水出於其陰北流注於穀世謂是山曰廣陽山水曰赤岸水亦曰石子澗

按新安無洛漢志云澗入洛要其歸也其實澗東合穀至河南入洛今通志澗水之源有二一出澠池縣

白石山一出盧氏縣香爐山俱流至洛陽界會於洛一統志云在盧氏縣源出鐵嶺流入城中折為衆渠

東南流入洛者為東澗水則澠池為西澗水矣周書所謂澗水東澗水西即此二水又地理志澗水出金城郡今居縣西北塞

外此別是一澗也

澠河源出孟津縣穀城山自高廟溝起與九眼泉合

欽定四庫全書

行水金鑑卷五十六

十五

入洛陽縣界由邛山西北注向東南至縣後轉折而

東行至北窰始逶迤而南入洛河舊唐書地理志澠

潛亭北東南入洛穀城故縣在今洛陽縣西北胡朮明曰古時澗水經河南故城西入洛澠水經河南故

城東入洛故澗水東澠水西為王城而澠水東為下都洛誥之文甚明也自周靈王壅穀水使東出於王

城之北則其勢必入於澠水而合流歷王城之東以南注於洛時二水猶未經洛陽城也迨東漢建都於

此自河南縣東十五里之千金竭引水繞都城南北以通漕而澠水始與穀水俱東注矣古時澠不合澗

亦不過洛陽縣南而東至偃師也

伊河源出盧氏縣閭頡嶺由嵩縣洛陽至偃師縣高

莊與洛河合流至鞏縣東北洛入黃河蒼叢云地理志伊水出弘

農盧氏縣熊耳山東北入洛盧氏今屬陝州

汜河自林園川石嘴村發源由孤柏嘴以下入黃河

蒼叢云山海經浮戲之山汜水出焉北流注於河一統志汜水源出汜水縣西方山東南入黃河通志云

源出玉仙山北流經古嶺關東入黃河謂之汜水者取水決復入之義史謂漢高祖即位於汜水之陽是也今屬開封府漢

曰成阜隋曰汜水

濟河濟水發源王屋山頂崖下曰沈水既見而伏出

濟源縣為東西二源東源即瀆廟地西源俗呼龍潭

欽定四庫全書

行水金鑑
卷五十六

去

自此東南流至柏香鎮分為二一於鎮之東北流至

河內縣穿郡城經龍澗村入沁河一於鎮西南流經

猪龍河自小營村入黃河

渙河在濟源縣發源三處一出姑嫂山一出秦嶺山

一出五指山至縣西南三河頭合為一處至孟縣海

子頭村入黃河蒼叢云看河紀程言渙水出濟源春秋會於渙梁即此其源有三一出五

指山紙坊一出曲陽西南二源俱流經修武縣治南一出晉陽城南漢或斷或續至莽山雙泉寨發源為

白澗水又伏發源修武縣治西又東南流經城南與二源合水經注曰渙出原城西北原山勳掌谷按白

澗自莽山來或呼莽河

沁河源出山西沁源縣穿太行山出濟源縣經河內

武陟縣入黃河自濟源縣大坡界起東至河內縣計

長七十里又東與大丹河合而至武陟縣界計長七

十里又東流繞武陟城北由東而南北岸計長七十

里南岸計長五十五里寬一百六七十丈中皆浮沙

淺深無定伏秋水發常虞泛濫蒼叢云沁水至懷慶府武陟縣與黃會合

其湍激之勢較黃河並甚而武陟縣東岸之蓮花池金屹嶺最其衝射要害處也萬歷十五年沁從此決

欽定四庫全書

行水金鑑
卷五十六

十七

新鄉獲嘉一帶俱為魚鰲每年堵築埽壩勞費不貲且壩內為商民輳集之處烟費不下千餘倚堤為命

議覓石四百三十五丈隨守隨修限以三年告竣此堤一成永久可恃而議者畏難尚未興舉其北岸大

樊村亦係埽壩灣要害幫堤卷埽均在司河者留意焉

大丹河源出山西澤州穿太行山至河內縣入沁河

自河內縣丹谷口起至留村入沁河止計長五里蒼叢

云丹水在懷慶府東北十里源出澤州高平縣山海經曰沁水之東有林焉名曰丹林丹水出焉又有小

丹河由修武縣南門外東流至荊嘉入衛河

廣濟河源自五龍口鑿山取沁水澆灌民田經由濟

源河內溫縣至武陟縣澗溝村入黃河 按沁水即

鄭道元所稱朱溝水也唐崔弘禮李元淳相繼疏濬

元世祖時始名廣濟有明因之萬歷間河內令袁應

泰鑿山穿洞懸閘兩崖之間受水則啓障水則閉以

溉民田引水由濟源河內孟溫武陟入於黃河渠濶

八尺延袤一百五十里分二十四堰 袁應泰廣濟河

堰第一永益堰由官莊至休昌長三里第二永利堰

第三常豐堰俱併入永益堰第四天富堰由許村長

二里第五永福堰順入利人河第六廣福堰由許村

官莊入豐稔河歸黃河一百二十里第七和豐堰由

欽定四庫全書

行水金鑑
卷五十六

辛村高村長五里第八廣豐堰由東許村金家至小

營入黃河長一百二十里第九大豐堰由南界西李

家橋曲構柿園土壩賈村至黃門可減水入黃河長一百

三十里第十沙岡堰有鄭府寄莊地七頃五十畝除本

堰三分水一日第十一太平堰由武家作張家作至

劉家莊長一十里第十二廣有堰由七里橋故事馬

鋪至古澗入沁河長二十五里第十三永濟堰由荊

城祝策彭城尚香鎮至蘇東宏福堰長七十里尚香

西砌欄水開減水入沁河第十四廣阜堰由南屯沙

岡至辛王長一十里第十五新興堰由里村冷家莊

賈村至北真長一十八里第十六廣隆堰由五王長

二里第十七萬盈堰由分水石七里屯衛村至彭城

長三十里第十八長濟堰由佳村珍珠莊高照至耿

家莊入滂河歸黃河長六十九里第十九興隆堰由

郭村王里李家莊至北張長一十八里第二十興福

堰由彭城尚香鎮至劉家莊長一十里第二十一宏

福堰由蘇王南徐澗至南張長一十五里第二十二
萬德堰由西冷至東周長一十里第二十三大濟堰
由北冷至杜家莊長八里第二十四永通堰
由保封董宋趙莊至唐郭入黃河長四十里

黃河南岸 滎澤縣臨河堤上自本縣境內起下至

鄭州交界止計長一十二里 第一段自老護城堤

起至小格堤止長三百八十丈康熙三十六年修築

坐落舊城北 第二段自護城堤起至沈家莊堤頭

止長二百六十八丈康熙二十四年修築坐落舊城

東 第三段自沈家莊起至鄭州堤界止長一千三

欽定四庫全書

行水金鑑
卷五十六

十九

百九十九丈康熙二十二年創築坐落魏家莊前

鄭州臨河堤上自滎澤縣交界起下至中牟縣交界

止計長四十五里 第一段自滎澤縣堤界起至藍

家屯東止長一千七百九十五丈康熙二十二年創

築坐落永興鎮前 第二段自范四家埠口起至藍

家屯新堤止長一千六百七十五丈康熙三十八年

創築坐落藍家屯南 第三段自藍家屯東起至老

君堂西止長一千三百七十一丈康熙三十七年創

築坐落關家橋南 第四段自任八家莊北祖師廟後起至石家橋堤頭止長八百丈康熙二十三年加幫坐落老君堂後 第五段自石家橋起至原武堤界止長一千三百三十丈康熙二十一年創築坐落馬家渡南 第六段自來童寨月堤起至中牟縣堤界止長一千一百六十丈康熙二十六年創築坐落裴昌廟前

中牟縣臨河堤上自鄭州交界起下至祥符縣交界

欽定四庫全書

行水金鑑
卷五十六

十一

止內間陽武縣所管一段長四里八分中牟實管堤工長四十三里七分 第一段自鄭州堤界起至二郎廟後止長二百三十丈康熙二十六年創築坐落二郎廟後

陽武縣臨河堤自中牟堤頭起至中牟堤界止長八百六十五丈坐落郝家寨前 中牟縣第二段自陽武堤界起至康熙三十八年新堤頭止長五百一十丈康熙十九年創築坐落孫家莊東 第三段自十

九年月堤起至十八年月堤止長一千五百四丈康熙三十八年創築坐落白家莊南 第四段自三十八年新堤頭起至張家莊前止長四百六十七丈康熙十八年創築坐落許家莊前 第五段自十八年月堤起至堤角止長五百七十丈康熙二十三年加幫坐落張家莊前 第六段自堤角起至張滿家莊後堤角止長二千三百七十六丈康熙二十三年加幫坐落辛莊前 第七段自張滿家莊後堤角起至

欽定四庫全書

行水金鑑
卷五十六

十二

閻家寨後堤角止長四百三十九丈康熙二十三年加幫坐落太平莊南 第八段自閻家寨後堤角起至祥符縣堤界止長一千七百八十六丈康熙二十三年加幫坐落朱姑村前

祥符縣臨河堤上自中牟縣交界起下至陳留縣交界止計長七十七里 第一段自中牟堤界起至馬家寨北埠口止長三百丈係遠年老堤坐落馬家寨西北 第二段自馬家寨北埠口起至回回寨西堤

頭止長二千一百二十丈康熙二十三年加幫坐落曹家寨北 第三段自回回寨堤頭起至二十堡北堤頭止長七百七十二丈係遠年老堤坐落回回寨後 第四段自二十堡北堤頭起至二十五堡北堤頭止長八百六十丈係遠年老堤坐落沙門後 第五段自二十五堡北堤頭起至馬頭北堤頭止長一千一百三十丈康熙二十三年加幫坐落雙河鋪後 第六段自馬頭北堤頭起至一覽臺前止長四百五十丈係遠年老堤坐落馬頭後 第七段自一覽臺前起至四十一堡東堤頭止長八百八十丈係遠年老堤坐落張家灣後 第八段自四十一堡東堤頭起至四十二堡堤頭止長八十丈係遠年老堤坐落梅家莊前 第九段自四十二堡堤頭起至四十五堡堤頭止長五百六十六丈康熙二十三年加幫坐落梅家莊東南 第十段自四十五堡堤頭起至四十七堡西止長三百五十丈係遠年老堤坐落步

李寨後 第十一段自四十七堡西起至四十九堡南止長三百二十丈係遠年老堤坐落小馬園前 第十二段自四十九堡南起至四十九堡止長三十五丈係遠年老堤坐落大馬園前 第十三段自四十九堡北起至老劉家店北埠口止長九十丈係遠年老堤坐落謝家莊後 第十四段自老劉家店北埠口起至班家埠口止長一千一百一十丈係遠年老堤坐落劉家店後 第十五段自班家埠口起至李進祿家寨東北埠口止長五百九十三丈係遠年老堤坐落班家寨東 第十六段自李進祿家寨東北埠口起至陳家寨東北堤頭止長二百七十六丈係遠年老堤坐落李進祿家寨東 第十七段自陳家寨東北堤頭起至姜家莊西月堤頭止長八百六十二丈康熙二十三年加幫坐落馬家店後 第十八段自姜家莊西月堤頭起至門家寨東北止長七百四十丈係遠年老堤坐落姜家莊前 第十九段

自門家寨東北起至七十二堡東埠口止長一百一十丈係遠年老堤坐落門家寨前 第二十段自七十二堡東埠口起至埽頭西北止長一千一百八十九丈康熙二十三年加幫坐落康家寨東 第二十一段自埽頭西北起至陳留堤界止長一千四十丈康熙二十年創築坐落埽頭東北

陳留縣臨河堤上自祥符縣交界起下至蘭陽縣交界止計長一十五里八分 第一段自祥符堤界起

欽定四庫全書

行水金鑑
卷五十六

三

至小寺後止長九百二十丈康熙二十年創築坐落耿家寨後 第二段自小寺後起至毛家寨後止長六百丈係遠年老堤坐落譚家寨後 第三段自毛家寨後老堤起至郝家寨後止長六百丈康熙十一年創築坐落郝家寨西 第四段自郝家寨後起至楊家莊後止長四百二十丈康熙十二年加幫坐落郝家寨東 第五段自楊家莊後起至蘭陽隄界止長三百二十丈康熙二十一年加幫坐落楊家莊東

蘭陽縣臨河堤上自陳留縣交界起下至儀封縣交界止計長二十四里三分 第一段自陳留堤界起

至管家水口西頭止長五百一十丈康熙二十三年加幫坐落管家水口西 第二段自管家水口西頭起至梁家水口東頭止長五百六十二丈係遠年老堤坐落榆林前 第三段自梁家水口東頭起至耿家水口西頭止長二百二十丈康熙二十三年加幫坐落耿家水口西 第四段自耿家水口西頭起至

欽定四庫全書

行水金鑑
卷五十六

三

蔡家樓東止長八百二十一丈係遠年老堤坐落康王廟前 第五段自蔡家樓東起至常家樓西止長一百五十四丈康熙二十三年加幫坐落畢家寨東南 第六段自常家樓西起至儀封堤界止長二千一百零七丈係遠年老堤坐落李軍民寨前 儀封縣臨河堤上自蘭陽縣交界起下至考城縣交界止計長四十七里 第一段自蘭陽隄界起至郭家莊西北止長一千一百丈係遠年老堤坐落郭家